

D.R. 18/91

Naskhah Sahih—Bahasa Malaysia

RANG UNDANG-UNDANG LEMBAGA
LOTERI PERKHIDMATAN MASYARAKAT
DAN KEBAJIKAN (PEMBUBARAN) 1991

SUSUNAN FASAL

Fasal

1. Tajuk ringkas dan mula berkuatkuasa.
2. Tafsiran.
3. Pemansuhan dan pembubaran.
4. Pemindahan kuasa, hak, dsb.
5. Pemindahan harta.
6. Pemindahan wang.
7. Kontrak-kontrak sedia ada.
8. Penerusan presiding jenayah dan sivil.
9. Penerusan undang-undang, dsb.
10. Menghalang kesukaran atau anomali.

RANG UNDANG-UNDANG

bernama

Suatu Akta untuk memansuhkan Akta Lembaga Loteri Perkhidmatan Masyarakat dan Kebajikan 1950-1962, untuk membubarkan Lembaga Loteri Perkhidmatan Masyarakat dan Kebajikan yang ditubuhkan di bawah Akta itu, untuk memindahkan segala hartanya kepada Kerajaan dan untuk menengadakan peruntukan bagi perkara-perkara lain yang berkaitan dengannya.

[]

MAKA INILAH DIPERBUAT UNDANG-UNDANG oleh Duli Yang Maha Mulia Seri Paduka Baginda Yang di-Pertuan Agong dengan nasihat dan persetujuan Dewan Negara dan Dewan Rakyat yang bersidang dalam Parlimen, dan dengan kuasa daripadanya, seperti berikut:

1. Akta ini bolehlah dinamakan Akta Lembaga Loteri Perkhidmatan Masyarakat dan Kebajikan (Pembubaran) 1991 dan hendaklah mula berkuatkuasa pada tarikh yang ditetapkan oleh Menteri melalui pemberitahuan dalam *Warta*. Tajuk ringkas dan mula berkuatkuasa.

2. Dalam Akta ini, melainkan jika konteksnya menghendaki makna yang lain— Tafsiran.

"Lembaga" ertinya Lembaga Loteri Perkhidmatan Masyarakat dan Kebajikan yang ditubuhkan di bawah Akta Lembaga Loteri Perkhidmatan Masyarakat dan Kebajikan 1950-1962; Akta 252.

"Menteri" ertinya Menteri yang sedang dipertanggungjawabkan dengan tanggungjawab bagi kebajikan masyarakat;

"Pesuruhjaya Tanah Persekutuan" ertinya Pesuruhjaya Tanah Persekutuan yang dilantik di bawah Akta Pesuruhjaya Tanah Persekutuan 1957; Akta 349.

"tarikh ditetapkan" ertinya tarikh yang ditetapkan oleh Menteri di bawah seksyen 1.

- | | |
|--|---|
| Pemansuhan dan pembubaran. | 3. Akta Lembaga Loteri Perkhidmatan Masyarakat dan Kebajikan 1950-1962 adalah dimansuhkan dan Lembaga yang ditubuhkan di bawahnya adalah dibubarkan. |
| Pemindahan kuasa, hak, dsb. | 4. Segala kuasa, hak, keistimewaan, tugas, liabiliti dan kewajipan yang sebelum sahaja tarikh ditetapkan adalah kuasa, hak, keistimewaan, tugas, liabiliti dan kewajipan Lembaga hendaklah, dari tarikh itu, diturunkan kepada Kerajaan. |
| Pemindahan harta. | 5. (1) Semua tanah yang sebelum sahaja tarikh ditetapkan adalah terletak pada Lembaga hendaklah, pada tarikh ditetapkan, terletak pada Pesuruhjaya Tanah Persekutuan bagi maksud-maksud Kerajaan.

(2) Semua harta dan aset selain daripada tanah yang sebelum sahaja tarikh ditetapkan adalah terletak pada Lembaga atau pada mana-mana orang bagi pihaknya hendaklah, pada tarikh itu, terletak pada Kerajaan. |
| Pemindahan wang. | 6. Semua wang yang berada pada, atau kena dibayar kepada, Lembaga hendaklah, pada tarikh ditetapkan, dipindahkan kepada, dan diletakkan pada, Kerajaan. |
| Kontrak-kontrak sedia ada. | 7. Segala suratikatan, bon, perjanjian, suratcara dan perkiraan kerja yang wujud sebelum sahaja tarikh ditetapkan dan menyentuh mana-mana harta yang dipindahkan di bawah seksyen 5 hendaklah mempunyai kuatkuasa dan kesan yang penuh terhadap atau memihak kepada Kerajaan dan boleh dikuatkuasakan sepenuhnya dan dengan berkesannya seolah-olah Kerajaan, dan bukannya Lembaga atau mana-mana orang yang bertindak bagi pihaknya, telah dinamakan di dalamnya atau telah menjadi suatu pihak kepadanya. |
| Penerusan presiding jenayah dan sivil. | 8. (1) Pemansuhan Akta Lembaga Loteri Perkhidmatan Masyarakat dan Kebajikan 1950-1962 tidaklah menyentuh liabiliti mana-mana orang untuk didakwa atau dihukum bagi kesalahan-kesalahan yang dilakukan di bawah Akta yang dimansuhkan itu sebelum tarikh |

ditetapkan, atau mana-mana presiding yang telah dibawa atau hukuman yang telah dikenakan sebelum tarikh itu berkenaan dengan kesalahan itu.

(2) Mana-mana presiding (sama ada sivil atau jenayah), atau kausa tindakan yang belum selesai atau sedang wujud sebelum sahaja tarikh ditetapkan oleh atau terhadap Lembaga atau mana-mana orang yang bertindak bagi pihaknya bolehlah diteruskan atau dimulakan oleh atau terhadap Kerajaan sepertimana yang ia boleh diteruskan atau dimulakan oleh atau terhadap Lembaga atau orang itu seolah-olah Akta ini telah tidak diluluskan.

(3) Mana-mana rayuan yang dibawa, atau mana-mana kebenaran untuk merayu yang dipohonkan, pada atau selepas tarikh ditetapkan, terhadap sesuatu keputusan yang diberi sebelum tarikh ditetapkan dalam mana-mana presiding undang-undang yang di dalamnya Lembaga adalah suatu pihak boleh dibawa oleh atau terhadap Kerajaan sepertimana yang ia boleh dibawa oleh atau terhadap Lembaga seolah-olah Akta ini telah tidak diluluskan.

9. Tertakluk kepada peruntukan-peruntukan Akta ini, semua undang-undang bertulis, perintah, kaedah dan peraturan yang menyentuh atau bagi perlindungan Lembaga dan berkuatkuasa sebelum sahaja tarikh ditetapkan hendaklah, sehingga dipinda atau dibatalkan oleh pihak berkuasa berkenaan yang mempunyai kuasa untuk berbuat demikian, terus berkuatkuasa dan ditafsirkan seolah-olah Akta ini telah tidak diluluskan: Penerusan undang-undang, dsb.

Dengan syarat bahawa apa-apa sebutan di dalamnya mengenai Lembaga, melainkan jika konteksnya menghendaki makna yang lain, hendaklah ditafsirkan sebagai sebutan-sebutan mengenai Kerajaan dan ungkapan-ungkapan yang bermaksudkan sebutan sedemikian hendaklah ditafsirkan sewajarnya.

10. (1) Jika apa-apa kesukaran atau anomali timbul berkaitan dengan pelaksanaan peruntukan-peruntukan Akta ini, Menteri boleh melalui perintah membuat apa-apa ubahsuaian di dalamnya sebagaimana yang Menghalang kesukaran atau anomali.

didapatinya perlu bagi menghapuskan atau menghalang kesukaran atau anomali itu:

Dengan syarat bahawa Menteri tidaklah boleh menjalankan kuasa-kuasa yang diberi oleh seksyen ini selepas habis tempoh tiga tahun dari tarikh ditetapkan.

(2) Dalam seksyen ini "ubahsuaian" termasuklah pindaan, penambahan, pemotongan, penggantian, penyesuaian, perubahan, pengubahan dan ketakpakaian mana-mana peruntukan Akta ini.

HURAIAN

Rang Undang-Undang ini bertujuan memansuhkan Akta Lembaga Loteri Perkhidmatan Masyarakat dan Kebajikan 1950-1962 dan membubarkan Lembaga Loteri Perkhidmatan Masyarakat dan Kebajikan yang ditubuhkan di bawah Akta itu.

2. *Fasal 3 dan 4* mengadakan peruntukan bagi pembubaran Lembaga dan bagi penurunan kuasa-kuasa, hak-hak, keistimewaan-keistimewaan, tugas-tugas, liabiliti-liabiliti dan kewajipan-kewajipan Lembaga kepada Kerajaan Malaysia,

3. *Fasal 5* mengadakan peruntukan bagi pemindahan semua harta alih dan tak alih dan aset-aset lain Lembaga kepada Kerajaan.

4. *Fasal 6* mengadakan peruntukan bagi pemindahan semua wang yang berada pada, atau kena dibayar kepada, Lembaga, kepada Kerajaan.

5. *Fasal 7* mengadakan peruntukan bagi penguatkuasaan segala kontrak sedia ada oleh atau terhadap Kerajaan sebagai menggantikan Lembaga.

6. *Fasal 8* mengadakan peruntukan bagi penerusan presiding undang-undang oleh atau terhadap Kerajaan sebagai menggantikan Lembaga.

7. *Fasal 9* mengadakan peruntukan bagi penerusan semua undang-undang bertulis, perintah, kaedah dan peraturan yang menyentuh atau melindungi Lembaga dengan mentafsirkan sebutan-sebutan mengenai Lembaga sebagai sebutan-sebutan mengenai Kerajaan.

8. *Fasal 10* mengadakan peruntukan bagi pemberian kuasa kepada Menteri untuk membuat perintah-perintah bagi maksud menghapuskan apa-apa kesukaran yang mungkin timbul berkaitan dengan pelaksanaan Rang Undang-Undang ini.

LEMBAGA LOTERI PERKHIDMATAN MASYARAKAT 7
DAN KEBAJIKAN (PEMBUBARAN)

IMPLIKASI KEWANGAN

Rang Undang-Undang ini tidak akan melibatkan Kerajaan dalam apa-apa perbelanjaan wang tambahan. [PN. (U²) 1659.]